


己未嘉平念伍去購

釋名

下



Digitized by the Internet Archive
in 2021 with funding from
University of Toronto

釋名卷第五

漢 劉熙 撰

明 吳琯 校

釋衣服

凡服上曰衣衣依也人所依以芘寒暑也 下曰裳
裳障也所以自障蔽也 領頸也以壅頸也亦言揔
領衣體爲端首也 襟禁也交於前所以禁禦風寒
也 袂掣也掣開也開張之以受臂屈伸也 祛虛
也 袖由也手所由出入也亦言受也以受手也
衿亦禁也禁使不得解散也 帶帶也著於衣如物

之繫帶也 系繫也相連繫也 衽襜也在旁襜襜
然也 裾倨也倨倨然直亦言在後常見踞也 玄
端其袖下正直端方與要接也 素積素裳也辟積
其要中使踧因以名之也 王后之上服曰褱衣畫
翬雉之文於衣也伊洛而南雉青質五色備曰翬
翟畫翟雉之文於衣也江淮而南雉素質五采皆備
成章曰翟 闕翟翦闕繒爲翟雉形以綴衣也 鞠
衣黃如菊花色也 襴衣襴坦也坦然正白無文采
也 祿衣祿然黑色也 韠蔽也所以蔽膝前也婦
人蔽膝亦如之齊人謂之巨巾田家婦女出自田野

以覆其頭故因以爲名也又曰跪襜跪時襜然張也 佩倍也言其非一物有倍貳也有珠有玉有容刀有悅巾有觶之屬也 襦熨也言溫熨也 袴跨也兩股各跨別也 褶襲也覆上之言也 禪衣言無裏也 襦屬也衣裳上下相連屬也荊州謂禪衣曰布襦亦是襜褕言其襜褕弘裕也 褱禪衣之無者也言袖夾直形如溝也 中衣言在小衣之外大衣之中也 襦褱其一當脅其一當背也 帕腹橫帕其腹也 抱腹上下有帶抱裹其腹上無褱者也 心衣抱腹而施鉤肩鉤肩之間施一褱以奄心

也 衫芟也衫末無袖端也 有裏曰複 無裏曰

單 反閉襦之小者也却向著之領反於背後閉其

襟也 婦人上服曰袿其下垂者上廣下狹如刀圭

也 褱撰也青絳爲之緣也 裙下羣也連接裾幅

也 緝下橫縫緝其下也 緣裙裙施緣也 緣襦

襦施緣也 帔披也披之肩背不及下也 直領邪

直而交下亦如丈夫服袍方也 交領就形名之也

曲領在內以中襟領上橫壅頸其狀曲也 單襦

如襦而無絮也 要襦形如襦其要上翹下齊要也

半袖其袂半襦而施袖也 留幕冀州所名大褶

下至膝者也留牢也幕絡也言牢絡在衣表也袍
丈夫著下至跗者也袍苞也苞內衣也婦人以絳作
衣裳上下連四起施緣亦曰袍義亦然也齊人謂如
衫而小袖曰侯頭侯頭猶言解瀆臂直通之言也
被被也被覆人也衾衾也其下廣大如广受人也
汗衣近身受汗垢之衣也詩謂之澤受汗澤也或
曰鄙袒或曰羞袒作之用六尺裁足覆胷背言羞鄙
於袒而衣此耳禪貫也貫兩脚上繫要中也偏
所以自逼束今謂之行滕言以裹脚可以跳騰輕便
也襪末也在脚末也履禮也飾足所以爲禮也

複其下曰舄舄腊也行禮久立地或泥濕故複其
末下使乾腊也 屨拘也所以拘足也 齊人謂韋
屨曰扉扉皮也以皮作之不借言賤易有宜各自蓄
之不假借人也 齊人云搏腊搏腊猶把鮓麤貌也
荊州人曰麤麻韋草皆同名也麤措也言所以安措
足也 僑蹻也出行著之蹻蹻輕便因以爲名也
屨搯也爲兩足搯以踐泥也 韡跨也兩足各以一
跨騎也 鞮鞻鞻之缺前壅者胡中所名也鞮鞻猶
速獨足直前之言也 鞋解也著時縮其上如履然
解其上則舒解也 帛屨以帛作之如屨者不曰帛

僑者僑不可踐泥也屐踐泥者也此亦可以步泥而浣之故謂之屐也 晚下如舄其下晚晚而危婦人短者著之可以拜也 鞞韋履深頭者之名也鞞襲也以其深襲覆足也 仰角屐上施履之名也行不得蹶當仰履角舉足乃行也

釋宮室

宮穹也屋見於垣上穹隆然也 室實也人物實滿其中也 室中西南隅曰奧不見戶明所在秘奧也 西北隅曰屋漏禮每有親歿者輒撤屋之西北隅薪以爨竈煮沐供諸喪用時若值雨則漏遂以名之

也必取是隅者禮既祭改設饌于西北隅令撤毀之
示不復用也東南隅曰窀窆幽也亦取幽冥也東
北隅曰窟窟養也東北陽氣始出布養物也中央
曰中霤古者寢穴後室之霤當今之棟下直室之中
古者霤下之處也宅擇也擇吉處而營之也舍
於中舍息也宇羽也如鳥羽翼自覆蔽也屋亦
奧也其中溫奧也廟貌也先祖形貌所在也寢
寢也所寢息也城盛也盛受國都也郭廓也廓
落在城外也城上垣曰睥睨言於其孔中睥睨非
常也亦曰睥睨裨也言裨助城之高也亦曰女牆言

其卑小比之於城若女子之於丈夫也 寺嗣也治
事者嗣續於其內也 廷停也人所集之處也 獄
确也實确人之情僞也又謂之牢言所在堅牢也又
謂之圜土築其表墻其形圜也又謂之囹圄囹領也
囹御也領錄囚徒禁御之也 亭停也亦人所停集
也 傳傳也人所止息而去後人復來轉相傳無常
主也 瓦踝也踝确堅貌也亦言腓也在外腓見也
梁彊梁也 柱住也 櫺隱也所以隱桷也或謂
之望言高可望也或謂之棟棟中也居屋之中也
桷确也其形細而踈确也或謂之椽椽傳也相傳次

而布列也或謂之櫬在櫬旁下列衰衰然垂也 梠
旅也連旅旅也或謂之椁椁縣也縣連櫬頭使齊平
也上入曰爵頭形似爵頭也 楣眉也近前若面之
有眉也 楹儒也梁上短柱也楹儒猶侏儒短故以
名之也 牾在梁上兩頭相觸牾也 欂櫨也其體
上曲欂拳然也 盧在柱端都盧負屋之重也 斗
在欂兩頭如斗也斗負上負櫬也 笮笮也編竹相
連迫笮也 屋脊曰薨薨蒙也在上覆蒙屋也 壁
辟也辟禦風寒也 墻障也所以自障蔽也 垣援
也人所依阻以爲援衛也 墉容也所以蔽隱形容

也 籬離也以柴竹作之疏離離也青徐曰据据居也居於中也 柵蹟也以木作之上平蹟然也又謂之撤撤緊也詵詵然緊也 殿有殿鄂也陛卑也有高卑也天子殿謂之納陛言所以納人言之階陛也 階梯也如梯之有等差也 陳堂塗也言賓主相迎陳列之處也 屏自障屏也 蕭牆在門內蕭蕭也將入於此自肅敬之處也 宁佇也將見君所佇立定氣之處也 序次序也 夾室在堂兩頭故曰夾也 堂猶堂堂高顯貌也 房旁也在堂兩旁也 楹亭也亭亭然孤立旁無所依也齊魯讀曰輕輕

勝也孤立獨處能勝任上重也 簷檐也接檐屋前
後也 雷流也水從屋上流下也 闕在門兩旁中
央闕然爲道也 杲恩在門外杲復也恩思也臣將
入請事於此復重思之也 觀觀也於上觀望也
樓謂牖戶之間有射孔樓樓然也 臺持也築土堅
高能自勝持也 櫓露也露上無屋覆也 門捫也
在外爲人所捫摸也 障衛也 戶護也所以謹護
閑塞也 窓聰也於內窺外爲聰明也 屋以草蓋
曰茨茨次也次比草爲之也 寄上曰廬廬慮也取
自覆慮也 草圓屋曰蒲蒲敷也總其上而敷下也

又謂之庵庵奄也所以自覆奄也 大屋曰廡廡無
也無覆也并冀人謂之庠庠正也屋之正大者也
井清也泉之清潔者也井一有水一無水曰灋灋
竭也洧有水聲洧洧也 竈造也造創食物也爨銓
也銓度甘辛調和之處也 倉藏也藏穀物也 庫
舍也物所在之舍也故齊魯謂庫曰舍也 廐
勾聚也牛馬之所聚也 廩矜也寶物可矜惜者
投之其中也 困縲也藏物縲縲束縛之也 庾裕
也言盈裕也露積之言也盈裕不可稱受所以露積
之也 圉屯也屯聚之也 圖以草作之團團然也

廁言人雜在上非一也或曰溷言溷濁也或曰圉至穢之處宜常修治使潔清也或曰軒前有伏似殿軒也泥邇也邇近也以水沃土使相黏近也塗杜也杜塞孔穴也望亞也次也先泥之次以白灰飾之也望猶媚媚細澤貌也

釋名卷第五

釋名卷第六

漢 劉熙 撰

明 吳琯 校

釋牀帳

人所坐臥曰牀牀褻也所以自褻載也長狹而卑曰榻言其鶴榻然近地也 小者曰獨坐主人無二獨所坐也 枰平也以板作其體平正也 几廢也所以廢物也 筵衍也舒而平之衍衍然也 席釋也可卷可釋也 簟簟也布之簟簟然平正也 薦所以自薦藉也 蒲草也以蒲作之其體平也 氈旃

也毛相著旃旃然也 褥辱也人所坐褻辱也 裘

洩猶屢數毛相離之言也 榻登施大牀之前小榻

之上所以登牀也 貂席連貂皮以爲席也 枕檢

也所以檢項也 帷圍也所以自障圍也 幕幕絡

也在表之稱也 小幕曰帟張在人上帝帟然也

幔漫也漫漫相連綴之言也 帳張也張施於牀上

也小帳曰斗形如覆斗也 幰廉也自障蔽爲廉恥

也 幰容也施之車蓋童童然以隱蔽形容也 戶

幰施於戶外也 牀前帷曰帖言帖帖而垂也 幄

屋也以帛衣板施之形如屋也 承塵施於上承塵

土也 搏辟以席搏著壁也 扆倚也在後所依倚也 屏風言可以屏障風也

釋書契第十九

筆述也述事而書之也 硯研也研墨使和濡也 墨瘁也似物瘁墨也 紙砥也謂平滑如砥石也 板般也般般平廣也 奏鄒也鄒狹小之言也 札櫛也編之如櫛齒相比也 簡間也編之篇篇有間也 簿言可以簿疏密也 笏忽也君有教命及所啓白則書其上備忽忘也 槩板之長三尺者也槩漸也言其漸漸然長也 牘睦也手執之以進見所

以爲恭睦也 籍籍也所以籍䟽人名戶口也 檄

激也下官所以激迎其上之書文也 檢禁也禁閉

諸物使不得開露也 璽徙也封物使可轉徙而不

可發也 印信也所以封物爲信驗也亦言因也封

物相因付也 謁詣也詣告也書其姓名於上以告

所至詣者也 符付也書所敕命於上付使轉行之

也 節赴也執以赴君命也 傳轉也轉移所在執

以爲信也 券縑也相約束縑縑以爲限也 剗別

也大書中央中破別之也 契刻也刻識其數也

策書教令於上所以驅策諸下也 漢制約敕封侯

曰冊冊牘也敕使整牘不犯之也 示示也過所至
關津以示之也 詣啓也以君語官司所至詣也
書庶也紀庶物也亦言著之簡紙永不滅也 畫挂
也以五色挂物上也 書稱刺書以筆刺紙簡之上
也又曰寫倒寫此文也書姓字於奏上曰書刺作再
拜起居字皆達其體使書盡邊徐引筆書之如畫者
也下官刺曰長刺長書中央一行而下之也又曰爵
里刺書其官爵及郡縣鄉里也 書稱題題諦也審
諦其名號也亦言第因其第次也 書文書檢曰署
署予也題所予者官號也 上敕下曰告告覺也使

覺悟知己意也 下言上曰表思之於內表施於外也又曰上示之於上也又曰言言其意也 約約束之也敕飾也使自警飾不敢廢慢也 謂猶謂也猶得敕不自安謂謂然也

釋典藝

三墳墳分也論三才之分天地人之治其體有三也五典典鎮也制法所以鎮定上下其等有五也八索索素也著素王之法若孔子者聖而不王制此法者有八也 九丘丘區也區別九州土氣教化所宜施者也此皆三王以前上古義皇時書也今皆亡

惟堯典存也 經徑也如徑路無所不通可常用也

緯圍也反覆圍繞以成經也 圖度也盡其品度

也 識纖也其義纖微也 易易也言變易也 禮

體也得其事體也 儀宜也得事宜也 傳傳也以

傳示後人也 記紀也紀識之也 詩之也志之所

之也興物而作謂之興敷布其義謂之賦事類相似

謂之比言王政事謂之雅稱頌成功謂之頌隨作者

之志而別名之也 尚書尚上也以堯爲上始而書

其時事也 春秋春秋冬夏終而成歲春秋書人事

卒歲而究備春秋溫涼中象政和也故舉以爲名也

國語記諸國君臣相與言語謀議之得失也又曰
外傳春秋以魯爲內以諸國爲外外國所傳之事也
爾雅爾昵也昵近也雅義也義正也五方之言不
同皆以近正爲主也 論語紀孔子與諸弟子所語
之言也 法逼也莫不欲從其志逼正使有所限也
律累也累人心使不得放肆也 令領也理領之
使不相犯也 科課也課其不如法者罪責之也
詔書詔昭也人暗不見事宜則有所犯以此示之
使昭然知所由也 論倫也有倫理也 稱人之美
曰讚讚纂也纂集其美而叙之也 叙杼也杼洩其

實宣見之也 銘名也述其功美使可稱名也 誅
累也累列其事而稱之也 謚也物在後爲叟言
名之於人亦然也 譜布也布列見其事也 統緒
也主緒人世類相繼如統緒也 碑被也此本王莽
時所設也施其轆轤以繩被其上以引棺也臣子追
述君父之功美以書其上後人因焉故無建於道陌
之頭顯見之處名其文就謂之碑也 詞嗣也令撰
善言相續嗣也

釋名卷第六

釋名卷第七

漢 劉熙 撰

明 吳琯 校

釋用器

斧甫也甫始也凡將制器始用斧伐木已乃制之也
鎌廉也體廉薄也其所刈稍稍取之又似廉者也
斨戕也所伐皆戕毀也 仇矛讎也所伐則平如
討仇讎也 錐利也 椎推也耒亦椎也 鑿有所
穿鑿也 鐫鑄也有所鑄入也 耜似也似齒之斷
物也 犁利也利則發土絕草根也 檀垣也摩之

使垣然平也

鋤助也去穢助苗長也齊人謂其柄

曰檀檀然正直也頭曰鶴似鶴頭也

枷加也加杖

於柄頭以撾穗而出其穀也或曰羅枷三杖而用之

也或曰丫丫杖轉於頭故以名之也

鍤插也插地

起土也或曰銷銷削也能有所穿削也或曰鐮鐮剗

也剗地爲坎也其板曰葉象木葉也

把播也所以

播除物也

拂撥也撥使聚也

耨以鋤嫗耨禾也

鑄亦鋤類也鑄迫也

鑄溝也旣割去壟上草又

辟其土以壅苗根使壟下爲溝受水潦也

鉏殺也

言殺草也

鉦穫黍鐵也鉦鉦斷黍穗聲也

鉞謹

也板廣不可得制削又有節則用此斲之所以詳謹
令平滅斧跡也 斲斲彌也斲有高下之跡以此斲
彌其上而平之也 鋸倨也其體直所截應倨句之
平也 鑄誅也主以誅除物根株也

釋樂器

鍾空也內空受氣多故聲大也 磬磬也其聲磬磬
然堅緻也 鼓郭也張皮以冒之其中空也 鞀導
也所以導樂作也 鞀裨也裨助鼓節也 聲在前
曰朔朔始也在後曰應應大鼓也 所以懸鼓者橫
曰簨簨峻也在上高峻也從曰虞虞舉也在旁舉簨

也篥上之板曰業刻爲牙捷業如鋸齒也 瑟施弦

張之瑟瑟然也 箏施弦高急箏箏然也 筑以竹

鼓之筑秘之也 笙篴此師延所作靡靡之樂也後

出於桑間濮上之地蓋空國之侯所存也師涓爲晉

平公鼓焉鄭衛分其地而有之遂號鄭衛之音謂之

淫樂也 枇杷本出於胡中馬上所鼓也推手前曰

枇引手却曰杷象其鼓時因以爲名也 塤喧也聲

獨喧喧然也 篴啼也聲從孔出如嬰兒啼聲也

簫肅也其聲肅肅而清也 笙生也象物貫地而生

也 竹之貫匏以匏爲之故曰匏也箏亦是也其中

汙空以受簧也 簧橫也於管頭橫施於中也以竹
鐵作於口橫鼓之亦是也 搏拊也以韋盛糠形如
鼓以手附拍之也 祝狀如伏虎如見祝祝然也故
訓爲始以作樂也 敵衙也衙止也所以止樂也
舂撞也牘筑也以舂築地爲節也 籥躍也氣躍出
也 遂滌也其聲滌滌然也 鐃聲鐃鐃也 人聲
曰歌歌柯也 歌之言是其質也以聲吟詠有上下
如草木之有柯葉也故充冀言歌聲如柯也 竹曰
吹吹推也以氣推發其聲也 吟嚴也其聲本出於
憂愁故其聲嚴肅使人聽之悽歎也

釋兵

弓穹也張之穹隆然也其末曰簫言簫梢也又謂之弭以骨爲之滑弭弭也中央曰拊拊撫也人所持撫也簫拊之間曰淵淵宛也言曲宛也 弩怒也有勢怒也其柄曰臂似人臂也鉤絃者曰牙似齒牙也牙外曰郭爲牙之規郭也下曰懸刀其形然也合名之曰機言如機之巧也亦言如門戶之樞機開闔有節也 矢指也言其有所指向迅疾也又謂之箭前進也其本曰足矢形似木木以下爲本本以根爲足也又謂之鏑鏑敵也可以禦敵也齊人謂之鏃鏃族也

言其所中皆族滅也關西曰鈺鈺鉸也言有交刃也
其體曰幹言挺幹也其旁曰羽如鳥羽也鳥須羽而
飛矢須羽而前也齊人曰衛所以導衛矢也其末曰
栝栝會也與絃會也栝旁曰义形似义也其受之器
以皮曰箛謂柔服用之也織竹曰箏相迫箏之名也
步义人所帶以箭义其中也馬上曰鞬鞬建也弓矢
並建立其中也刀到也以斬伐到其所刀擊之也
其末曰鋒言若鋒刺之毒利也其本曰環形似環也
其室曰削削峭也其形峭殺裏刀體也室口之飾曰
琫琫捧也捧束口也下末之飾曰琕琕卑也在下之

言也短刀曰拍髀帶時拍髀旁也又曰露拍言露見也佩刀在佩旁之刀也或曰容刀有刀形而無刃備儀容而已剪刀剪進也所剪稍進前也書刀給書簡札有所刊削之刀也封刀鉸刀削刀皆隨時名之也戟格也旁有枝格也戈句矛戟也戈過也所刺擣則決過所鉤引則制之弗得過也車戟曰常長丈六尺車上所持也八尺曰尋倍尋曰常故稱常也手戟手所持摘之戟也矛冒也刃下冒矜也下頭曰鑕鑕入地也松櫝長三尺其矜宜輕以松作之也櫝速櫝也前刺之言也矛長丈八尺

曰稍馬上所持言其稍稍便殺也又曰激矛激截也
可以激截敵陣之矛也 仇矛頭有三義言可以討
仇敵之矛也 夷矛夷常也其矜長丈六尺不言常
而曰夷者言其可夷滅敵亦車上所持也 稜徐本
作移矛長九尺者也稜霍也所中霍然卽破裂也 矜矛
矜殊也長丈二尺而無刃有所撞挫於車上使殊離
也 盾遜也跪其後避以隱遜也大而平者曰吳魁
本出於吳爲魁帥者所持也隆者曰須盾本出於蜀
須所持也或曰羌盾言出於羌也約脅而鄒者曰陷
虜言可以陷破虜敵也今謂之曰露見是也狹而長

者曰步盾步兵所持與刀相配者也狹而短者曰子盾車上所持者也子小稱也以縫編板謂之木絡以犀皮作之曰犀盾以木作之曰木盾皆因所用爲名也 彭排彭旁也在旁排敵禦攻也 鎧猶塏也塏堅重之言也或謂之甲似物孚甲以自禦也 劒檢也所以防檢非常也又其在身拱時斂在臂內也其旁鼻曰鐔鐔尋也帶所貫尋也其末曰鋒鋒末之言也 鈇延也達也去此至彼之言也 鈎鑲兩頭曰鈎中央曰鑲或推鑲或鈎引用之之宜也 九旗之名日月爲常畫日月於其端天子所建言常明也

交龍爲旂旂倚也畫作兩龍相依倚也通以赤色爲之無文采諸侯所建也通帛爲旃旃戰也戰戰恭已而已也三孤所建象無事也熊虎爲旗軍將所建象其猛如虎與衆期其下也鳥隼爲旟旟譽也軍吏所建急疾趨事則有稱譽也雜帛爲旐以雜色綴其邊爲翅尾也將帥所建象物雜也龜蛇爲旐旐兆也龜知氣兆之吉凶建之於後察度事宜之形兆也金羽爲旞旞猶滑也順滑之貌也析羽爲旌旌精也有精光也綏有虞氏之旌也注旐竿首其形纍纍然也綏夏后氏之旌也其形衰衰也

白旆殷旌也以帛繼旒末也 翻陶也其貌陶陶下垂也 幢童也其貌童童也 旛幡也其貌幡幡也 校號也將帥號令之所在也 節爲號令賞罰之節也 鐸度也號令之限度也 金鼓金禁也爲進退之禁也 戚感也斧以斬斷見者皆感懼也 鉞豁也所向莫敢當前豁然破散也

釋車

車右者曰車聲如居言行所以居人也今日車車舍也行者所處若車舍也 天子所乘曰玉輅以玉飾車也輅亦車也謂之輅者言行於道路也象輅金輅

木輅各隨所以爲飾名之也 鉤車以行爲陣鉤股
曲直有正夏所制也 胡車車胡以罪沒入爲官奴
者引之殷所制也 元戎車在軍前啓突敵陣周所
制也 輦車人所輦也 柏車柏伯也大也丁夫服
任之小車也 羊車羊祥也祥善也善飾之車今犢
車是也 墨車漆之正黑無文飾大夫所乘也 重
較其較重卿所乘也 役車給役之車也 棧車棧
靖也麻靖物之車也皆庶人所乘也 輶車戎者所
乘也 容車婦人所載小車也其蓋施帷所以隱蔽
其形容也 衣車前戶所以載衣服之車也 獵車

所乘以畋獵也

小車駕馬輕小之車也駕馬宜輕

使之局小也

高車其蓋高立載之車也

安車蓋

卑坐乘今吏之乘小車也

羸車羔車各以所駕名

之也

檻車上施欄檻以格猛獸之車也

輶車輶

遙也遠也四向遠望之車也

輜車載輜重臥息其

中之車也輜廁也所載衣物雜廁其中也

駢車駢

屏也四面屏蔽婦人所乘牛馬也輜駢之形同有邸

曰輜無邸曰駢

輶句也輶上句也

衡橫也橫馬

頸上也

游環在服馬背上驂馬之外轡貫之游移

前却無常處也

脅驅在服馬外脅也

陰蔭也橫

側車前以陰筭也 靽所以引車也鍍金塗沃也治
白金以沃灌靽環也續續靽端也 文靽車中所坐
者也用虎皮有文采因與下輦相連著也 鞞伏也
在前人所伏也 軾式也所伏以式敬者也 靽鞵
車中重薦也輕靽鞵小貂也 轂塙也體堅塙也
轅援也車之大援也 枕橫在前如卧牀之有枕也
枕橫也橫在下也 薦板在上如薦席也齊人謂車
枕以前曰縮言局縮也兗冀曰育御者坐中執御育
育然也 較在箱上爲辜較也 立人象人立也
或曰陽門在前曰陽兩旁似門也 楬梘也所以扼

牛頸也馬曰烏啄下向又馬頸似鳥開口向下啄物
時也 隆強言體隆而強也或曰車弓似弓曲也其
上竹曰朗 相疏遠晶晶然朗也 輻複也重複非
一之言也 輞罔也罔羅周輪之外也關西曰輹言
曲揉之也或曰輹輹縣也縣連其外也 輪綸也彌
綸周匝之言也 輹言輻總入轂中也 輿舉也
軸抽也入轂中可抽出也 釭空也其中空也 鑄
閒也閒釭軸之間使不相摩也 轄害也車之禁害
也 輶裏也裏輶頭也 輶指也如指而見於轂頭
也 苓橫在車前織竹作之孔苓苓也 蓋在上覆

蓋人也

輦藩也藩蔽水雨也

輶蓋又也如屋構

橈也

杠公也衆又所公共也

輶梘猶祕鑿也在

車軸上正輪之祕鑿前欲也

屐似人屐也又曰伏

兔在軸上似之也又曰輶輶伏也伏於軸上也

鈎

心從輿心下鈎軸也

縛在車下與輿相連縛也

崇蹠也在車兩旁蹠憶使不得進卻也

憶憲也禦

熱也

紲制也牽制之也

紛放也防其放弛以拘

之也

轡咈也牽引咈戾以制馬也

勒絡也絡其

頭而引之也

銜在口中之言也

鑣苞也在旁所

以苞斂其口也

鞅嬰也喉下稱嬰亦言纓絡之也

其下飾曰樊纓其形樊樊而上屬纓也 韞組也橫組其腹下也 韞半也拘使半行不得自縱也 韞檢也所以檢持制之也 韞疆也繫之使不得出疆限也 韞道也在後道迫使不得卻縮也 負在背上之言也 韞懸也所以懸縛絕也

釋船第二十五

船循也循水而行也又曰舟言周流也 其前立柱曰檝檝巍也巍巍高貌也 其尾曰施施施也在後見拖曳也且言弼正船使順流不得他戾也 在旁曰槽槽膺也用膺力然後舟行也 引舟者筏筏作

也作起也起舟使動行也 在旁撥水曰櫂櫂濯也
濯於水中也且言使舟擢進也又謂之札形似札也
又謂之楫楫捷也撥水使舟捷疾也 所用斥旁岸
曰交一人前一人還相交錯也 隨風張幔曰帆帆
汎也使舟疾汎汎然也 舟中牀以薦物者曰筦言
但有簣如筦牀也南方人謂之筦突言濕漏之水突
然從下過也 其上版曰覆言所以覆衆枕也其上
屋曰廬衆廬舍也其上重屋曰飛廬在上故曰飛也
又在上曰爵室於中候望之如鳥雀之警示也 軍
行在前曰先登登之先向敵陳也 狹而長曰艨衝

釋名
以衝突敵船也 輕疾者曰赤馬其體正赤疾如馬也 上下重牀曰艦四方施版以禦矢石其內如牢檻也 五百斛以上環有小屋曰斥候以視敵進退也 三百斛曰舳舻貂也貂短也江南所名短而廣安不傾危者也 二百斛以下曰艇其形徑挺一人二人所行也

釋名卷第七

釋名卷八

宋新安程大昌 著

明新安吳 琯 校

釋疾病

疾疾也客氣中人急疾也 病並也並與正氣在膚
體中也 疹疹也有結氣可得診見也 痲久也久
在體中也 痛通也通在膚脉中也 癢揚也其氣
在皮中欲得發揚使人搔發之而揚出也 眩懸也
目視動亂如懸物搖搖然不定也 厯淫淫從鼻中
出厯厯然也 禿無髮沐禿也 髡頭生創白瘡如

駢然也 盲茫也茫茫無所見也 瞽鼓也瞑瞑然
目平合如鼓皮也 矇有眸子而失明蒙蒙無所別
也 眴縮也眸子縮壞也 瞽迮也膚幕迮迫也
眸子明而不正曰通視言視通達目匡一方也又謂
之麗視麗離也言一目視天一目視地目明分離所
視不同也 目匡陷急曰眇眇小也 目背傷赤曰
眦眦末也創在目兩末也 目生膚入眸子曰浸浸
侵也言侵明也亦言浸淫轉大也 聾籠也如在蒙
籠之內聽不察也 鼻塞曰𦘒𦘒久也涕久不通遂
至窒塞也 齲朽也蟲齧之齒缺朽也 瘖𦘒也𦘒

然無聲也 癭嬰也在頸嬰喉下也 癰喉氣著喉
中不通穢成癰也 消渴渴渴也腎氣不周於胸胃
中津潤消渴故欲得水也 嘔偃也將有所吐脊曲
偃也 欬刻也氣奔至出入不平調若刻物也 喘
湍也湍疾也氣出入湍疾也 吐瀉也故揚豫以東
謂瀉為吐也 乳癰曰妬妬褚也氣積褚不通至腫
潰也 心痛曰疝疝說也氣說說然上而痛也 胎
否也氣否結也 小兒氣結曰哺露哺而寒露乳食
不消生此疾也 注病一人死一人復得氣相灌注
也 泄利言其出漏泄而利也 下重而赤白曰膿

言厲臍而難也

陰腫曰墮氣下墮也又曰疝疝亦

說也說說引小腹急痛也

疼痺痺氣疼疼然煩也

痔食也蟲食之也

酸遜也遜遁在後也言腳疼

力少行道在後似遜遁者也消削也

如見割削筋

力弱也

懈解也骨節解緩也

厥逆逆氣從下厥

起上行入心脅也

瘧虐也凡疾或寒或熱耳而此

疾先寒後熱兩疾似酷虐者也

疥齗也癢搔之齒

顗齗也

癰徙也浸淫移徙處日廣也故青徐謂癰

為徙也

胗展也癢搔之捷展起也

腫鍾也寒熱

氣所鍾聚也

癰壅也氣壅否結裏而潰也

痲慄

也小便難慄慄然也 創戕也戕毀體使傷也 痍
侈也侈開皮膚為創也 癰漫也生漫故皮也 痕
根也急相根引也 瘤流也血流聚所生腫也 贅
屬也橫生一肉屬著體也 朒丘也出皮上聚高如
地之有丘也

釋喪制

人始氣絕曰死死漸也就消漸也 士曰不祿不復
食祿也 大夫曰卒言卒竟也 諸侯曰薨薨壞之
聲也 天子曰崩崩壞之形也如山崩然也 殯
也 就隱翳也 徂落徂祚也福祚殞落也徂亦言往

也往去落也 罪人曰殺殺竄也埋竄之使不復見也 罪及餘人曰誅誅株也如株木根枝葉盡落也 死於水者曰溺溺弱也不能自勝之言也 死於火者曰燒燒焦也 戰死曰兵言死為兵所傷也 下殺上曰弑弑伺也伺閒而後得施也 懸繩曰縊縊阨也阨其頸也 屈頸閉氣曰雉經如雉之為也 獄死曰考竟考得其情竟其命於獄也 市死曰弃市市衆所聚言與衆人共弃之也 斫頭曰斬斫腰曰腰斬斬暫也暫加兵即斷也 車裂曰轘轘散也肢體分散也 煮之於鑊曰烹若烹禽獸之為也

槌而死者曰掠掠狼也用威大暴如豺狼也 老
死曰壽終壽久也終盡也生已久遠氣終盡也 少
壯而死曰夭如取物中夭折也 未二十而死曰殤
殤傷也可哀傷也 父死曰考考成也亦言槁也槁
於義為成凡五材膠漆陶冶皮革乾槁乃成也 母
死曰妣妣比也比之於父亦然也 漢以來謂死為
物故言其諸物皆就朽故也 既定死曰尸尸舒也
骨節解舒不復能自勝斂也 衣尸曰襲襲匝也以
衣周匝覆衣之也 以囊韜其形曰冒覆冒其形使
人勿惡也 已衣所以束之曰絞衿絞交也交結之

也衿禁也禁繫之也 含以珠貝含其口中也 握
以物著尸手中使握之也 衣尸棺曰歛歛藏不復
見也 棺關也言關閉也 槨廓也廓落在表之言
也 尸已在棺曰柩柩究也送終隨身之制皆究備
也 於西壁下塗之曰殯殯賓也賓客遇之言稍遠
也亦曰攢攢木於上而塗之也 三日不生生者成
服曰縗縗摧也言傷摧也 經實也傷摧之實也
絞麻繩為帶也 三年之縗曰斬不緝其末直翦斬
而已 期曰齋齋齊也 九月曰大功其布加麤大
之功不善治練之也 五月曰小功精細之功小有

飾也 三月曰緦麻緦絲也績麻細如絲也 錫縗
錫易也治其麻使滑易也 疑縗疑儼也儼於吉也
總經末無餘散麻圓如環也 弁經如爵弁而素
加經也 重死者之資重也含餘米以為粥投之甕
而懸之比葬未作主權以重主其神也 葬藏也
塋曠也藏於空曠處也 輿棺之車曰輶輶耳也懸
於左右前後銅魚搖紒之屬耳耳然也其蓋曰柳柳
聚也衆飾所聚也亦言其形儻也亦曰鼈甲似鼈甲
然也其旁曰牆似屋牆也 妻齊人謂扇為妻此似
之也象妻扇為清涼也妻有黼有黻有畫各以其飾

名之也 兩旁引之曰披披擺也各於一旁引擺之
備傾倚也 從前引之曰緋緋發也發車使前也

懸下墻曰綷綷將也徐徐將下之也 棺束曰緘緘

函也古者棺不釘也旁際曰小要其要約小也又謂
之祔祔任也任制際會使不解也 送死之器曰明

器神明之器異於人也 塗車以泥塗為車也 芻

靈束草為人馬以神靈名之也 喪祭曰奠奠停也

言停久也亦曰樸奠合體用之也 朔望祭曰殷奠

所用殷衆也 既葬還祭殯宮曰虞謂虞樂安神使

還此也 又祭曰卒哭卒止也止孝子無時之哭朝

夕而已也 又祭曰祔祭於祖廟以後死孫祔於祖也 期而小祥亦祭名也孝子除首經服練冠也祥善也加小善之飾也 又期而大祥亦祭名也孝子除練服服朝服縞冠加大善之飾也 間月而禫亦祭名也孝子之意澹然哀思益衰也 冢腫也象山頂之高腫起也 墓慕也孝子思慕之處也 丘象丘形也陵亦然也 假葬於道側曰殯殯翳也 日月未滿而葬曰渴言渴欲速葬無恩也 過時而不葬曰慢謂慢慢不念早安神也 葬不如禮曰埋埋瘞也趨使瘞腐而已也 不得埋之曰弃謂弃之於

...
...
...
...
...
...
...
...
...
...

...
...
...
...
...
...
...
...
...
...

...
...
...
...
...
...
...
...
...
...

...
...
...
...
...
...
...
...
...
...

...
...
...
...
...
...
...
...
...
...

...
...
...
...
...
...
...
...
...
...

...
...
...
...
...
...
...
...
...
...

...
...
...
...
...
...
...
...
...
...

...
...
...
...
...
...
...
...
...
...

...
...
...
...
...
...
...
...
...
...

...
...
...
...
...
...
...
...
...
...

卷之八

卷之八
不置其日
能全山
盡香也

釋名
卷八
野也 不得其尸曰捐捐於他邊者也
二

釋名卷八終

